

H. Meibohm.

Numorum veterum in illustratione  
imperatorum Tainanorum hi-  
toria.

1684.





NVMMORVM  
VETERVM IN ILLV-  
STRANDA IMPERATO-  
RUM ROMANORUM  
HISTORIA

V S V S

Publico Programmate  
HISTORIARVM ET ANTI-  
QVITATIS CVLTORIBVS

ostensus  
ab

HENRICO MEIBOMIO.

*Barngehlz*  
1880



HELMETSADI,  
Typis GEORG-WOLFGANGI HAMMI, Acad. Typogr.  
ANNO M DC LXXXIV.

71.

IN VENTURA

INTERVUM IN ILLO

PERITIA IMPERATO

ROMANORUM

HISTORIA

VSVS


LIBRO PRIMO

HISTORIA VITAE

CAESARIS

CAESARIS

HENRICO MEID




LIBRARY

UNIVERSITY OF CHICAGO

1891





# HISTORIÆ ROMANÆ ET ERVDITÆ ANTIQVITATIS STVDIOSIS

S. P. D.

HENRICUS MEIBOMIUS.

**H**istoria Imperatorum Romanorum  
omnis, tum imprimis eorum, per quos ad  
summum fastigium, subjugatis tot gentibus,  
deductum est imperium, magnitudine & va-  
rietate rerum gestarum, insigni virtutum,  
etiam vitiorum aliquando, excessu, maximis & subitis  
mutationibus, ita excellit, ut diligentissimè considerari,  
accuratè explicari, &, undique conquisitis subsidiis, illu-  
strari meritò debeat. Feci etiam id ante annos plures, in-  
ter initia Professionis meæ, non sine cura, & nunc denuo  
ad idem opus me accingam, diversa tamen ratione & me-  
thodo, non temerè alibi usitata, & in hac Academia inau-  
dita. Scilicet Imperatoris cujusque res, fortiter & pruden-  
ter, bello & pace, gestas, per capita quædam exponam, ad  
historiæ quidem exactam fidem, sed breviter, scriptoresq;  
enarrabo, ex quibus peti plura possint, deq; illis differam, &  
per quos eruditæ ampliusve commentariis optimè illustrati  
sint, exponam, eosque ostendam. Deinde ex NUMMIS  
illius ævi, hodieque superstitibus, tanquam indubitatis mo-  
numentis, adstruam dictis meis fidem, & ipsorum illorum  
AUGUSTORUM, AUGUSTARUM, CÆSARUM, & totius  
penè Regnatricis Domus, imagines, ære, argento, auroque

majori incertum artificio, an fide, expressas ante oculos sistam, reportatasque ab ipsis Victorias, actos Triumphos, domitos Reges, subactas Provincias, erecta Tropæa, Janum clausum, Leges latas, Circos, Basilicas, Theatra extructa, pleraque denique belli & pacis eximia opera, ex figuris elegantibus, & circumscriptis verbis exponam.

MONETAM dici volunt Grammatici, & inter hos *Isidorus Etymol.* l. 15. c. 15. à monendo, quod nota inscripta moneat nos *Autoris & valoris*, sed longè elegantius Rex *Theodoricus ad Cassiodorum* l. VI. c. 7. *variarum* scribit: liberalitatem nostram alio decoras obsequio, ut figura vultus nostri metallis usualibus imprimatur, MONETAMq; facis de nostris temporibus futura secula COM MONERE. Monent certe nos plurima Veteres Nummi, quæ alias ignoraremus: illustrent infinita, ad quæ omnes cæcutimus: incredibili vero jucunditate litterarum & antiquæ elegantiae studiosos perfundunt. Id mirari sæpe soleo, non fuisse Veteres in nummis qua colligendis, quæ examinandis æque curiosos & diligentes, ac ab uno alterove penè seculo nos sumus; ipsos etiam Historicos rarius annotasse, qui nummi, quæve occasione cusi, quod tamen frequenter facit *Illustis Thuanus*.

Possit fortassis huc illud trahi de *Ære prisco*, apud *Tacitum Annal.* l. 4. c. 43. §. 2. ubi *Messenii* ad probanda sua jura, monumenta ejus rei sculpta saxi & *ÆRE PRISCO* manere asserunt: rectius tamende statuis aut tabulis priscis id accipi arbitror, eo sensu, quo antiqui æris tabulam *Delphicam* nominat *Plinius* lib. 7. c. 58 Quod si vero provocare licet ad malleolo & calce literatum silicem, ut est in veteri lapide apud *Gruterum* p. 329, si incisa notis marmora publicis vim probandi habent, cur non sint genuini Nummi rerum suo ævo gestarum idonei & indubitati testes? Non intermittit tamen *Suetonius*, diligentissimus primorum AUGUSTORUM historicus, memo-



memorare, certis notis percussos ab Illis nummos, quod in  
vita Augusti & Neronis observare licet; nummis, quorum  
meminit, hodieque sub illa forma superstitis. Ex subse-  
quentis Augustæ Historiæ scriptoribus *Flavius Vopiscus*,  
ubi de FIRM O agit, Fonteium scripsisse narrat, Firmum  
latrunculum fuisse, non Principem, sed mox subjungit:  
*Contra ego, mecumq; Rufus Celsus, & Cejonius Julianus & Fa-*  
*bius Sossianus contenderunt, dicentes, illum & purpura usum*  
*& PERCUSSA MONETA AUGUSTUM esse vocita-*  
*tum, quin etiam NUMMOS ejus Severus Archontius*  
*protulit. De Græcis autem Ægyptiisq; libris confecit, illum*  
*Αυτοκράτορα in edictis suis fuisse vocatum.* Rectissimè. Et  
superfunt hodieque illius Nummi, cum *Αυτοκράτορος &*  
*Σεβαστος* nomine. Cur vero non simili diligentia usus est  
*Trebellius Pollio*, itidem Augustæ Historiæ scriptor, *Vo-*  
*pisco* ætate major? Cum enim ad SER. ANICIUM BA-  
LISTAM inter triginta tyrannos pervenisset, *scriptores in-*  
*ter se ambigere*, ait, *utrum imperarit*, nec audet dubium  
tollere, quod facile fuisset, si ad indubitatæ fidei monumen-  
ta, Nummos scilicet, cum Fl. Vopisco, cum Rufo Celso,  
Cejonio Juliano, & Fabio Sossiano recurrisset, & aliquis Se-  
verus Archontius ipsi eos exhibuisset. Extant enim Num-  
mi BALISTÆ, cum *Αυτοκράτορος, Σεβαστος*, Augusti, nomine,  
& producit duos, alterum Græca, alterum Latina Inscr-  
ptione, eruditissimus *Adolphus Occo*, Medicus Augusta-  
nus. Ut non sine causa *temporum illorum segnitiem* incuset  
accuratissimus *Rupertus ad Besoldum*. Non vidit enim  
*Pollio*, qui vix quinquaginta à Balista annis sub Constan-  
tio vixit, Nummos illos, quos hodie post tot secula Recen-  
tiorum curiositas ostentat, quibusque dubia illius tollit.

Et vero in rebus sacris divinisq; , ubi intemerata veritas  
imprimis quæritur, non dubitarunt gravissimi Scriptores  
Nummorum testimonio uti. *Celius Lactantius Firmianus*

*Divinar. Institut. l. 1. de falsa relig. c. 13.* ubi ex ipsis Deorum gentilium historiis contra gentes disputat, & errantis Saturni inopiam exponit, refugiumque ad Janum: *cujus, inquit, rei argumenta sunt NUMMI VETERES, in quibus est cum duplici fronte Janus & in altera parte navis, adducitque Ovidii versus:*

*At bona posteritas puppim formavit in ÆRE*

*Hospitis adventum testificata Dei.*

Quales ærei nummi hodie etiam in scriniis antiquariorum visuntur. Illustis quoque Annalium Conditor Cardinalis *Baronius*, omnes Ecclesiasticæ Historiæ thesauros explicaturus, Nummos sæpius insignes à Fulv. Ursino, Lælio Pasqualino, aliisque suppeditatos adducit, & ex iis multam egregiam lucem rebus obscuris affundit, nec temere in illis illustrandis, quod observaverim, aberrat, nisi ubi præjudiciis abripitur, ut Ecclesiæ Romanæ omnia, etiam novissima, faciat quodammodo antiqua. Ipse quidem ad an. 363. n. 25. præclare observat, in nummo Juliani Imp. in aversa ejus parte imaginem fœminæ sedentis, & infantem in sinu tenentis, non esse Virginis Deiparæ, quod Antiquario perito visum, sed Isis *ἡ θύνη*, seu nutricis, prudenterq; pariter & pie concludit: *absit, ut Christianam religionem velimus mendaciorum pigmentis illustrare.* Quis autem eum ferat, ubi ad an. 394. n. 10. effati sui immemor, cum primò quidem ex Theodoretò, non satis certam historiolum de apparitione Joannis Evangelistæ & Philippi Apostoli adduxisset, illi firmandæ aureum nummum à Fulvio Ursino acceptum producit, in cujus una parte Theodosius, in altera *Johannes* atque *Philippus* expressi sint, *sacerdotali habitu decori*, additque hæc verba: *Habes etiam ex his, lector, inter alia, unde antiquum sacerdotalem habitum discas, simulq; tonsuram intelligas, atq; palliola humeros ac pectus decorè ambientia, votag; nuncupata atq; multiplicata? Quis, inquam,*



inquam, ista admittat paulo peritior rerum talium? quis non acclamet Baronio, viro aliàs summo, ex Baronio: *absit, ut Christianam religionem velimus mendaciorum pigmentis illustrari?* Recte enim advertit Clarissimus *Henricus Noris*, insigne hodie Hetruriæ decus, in *dissertat. de Numismat. Licinian. Licin. Aug. c. 3.* esse Imperatorum, Theodosii ac Valentiniiani, imagines: Quem sequitur, eruditus Gallus, *Antonius Pagi in dissertat. de Consulibus Cæsareis. c. 14.* Nescio autem, an forte consulares habitus ignotos fuisse, & fefellisse *Baronium*; an Nimbium in capite illorum, Sanctis appictum ab Ecclesia Romana, de Apostolis suspensionem peperisse suspicari debeam? Posterius sane, quæ scilicet sit *Nimbi illius, qui Deorum vel Imperatorum capita, quasi clara nebula nubere, hoc est, tegere & ambire fingitur*, ut *Servius* loquitur in l. 3. Virg. ratio, discere potuisset ex *Laurentii Pignorii Mensa Isiaca p. 46.* quam illi inscriptam memorat *Tomasinus*. Jam enim ab Antonini Pii ævo nobilis ille orbis, Majestatis plus quam humanæ index, Imperatorum capitibus aliquando appingi cæpit, etiam Provinciis & Urbibus, ut ex figuris *Notitiæ Imperii utriusq;* passim apparet, imò avibus quoq; æternitatis symbolis, ut Pavoni in Nummo Faustinae, aut Phænici in elegantissimo Constantini Camerariano nummo. *Cessasse autem ornatum illum insequentium Principum moderatione & tacito omnium consensu, Deo & Sanctis ejus*, scribit *Pignorius*, pertinetque huc illud *Isidori Hispalensis*, qui seculi VII. initio vixit, Etymolog. l. 1. c. 3. *Lumen, quod circa angelorum capita pingitur, nimbus vocatur.* An vero sub finem seculi IV, ad quod pertinet Nummus Theodosii à *Baronio* productus, jam tum moris fuerit, vel Angelis vel Apostolis, nimbium talem appingere, nec affirmaverim, nec negaverim. Uti nec certo possum dicere, quando desierint Imp. illi uti: seculo VI. adhuc sibi fecisse appingi, ex nummis eorum disco.

disco. Inelegantissimo Medallione æreo Constantis, quem ex Treverensi thesauro producit *Job. Jacob. Chifletius*, in *Anastas. Childerici Reg. c. 17.* figuræ apparent sedentes, quarum media, major reliquis, sola caput Nimbo Coronatum habet, quam esse Constantini M. existimat *Chifletius*, duas reliquas sine nimbo Constantem & Constantium : at *Car. Fresneus in dissert. de Imp. Constantinopolitanorum nummis.* n. 3. Constantem esse existimat, qui Medius sedet, reliquos duos Consules, vel Felicianum & Titianum, vel Ursam & Polemum, meminitque alterius Nummi aurei, in quo Consules Constantinus & Constans pro tribunali sedentes caput nimbo exornatum habeant, & n. 15. Nimbum illum in Consularibus Nummis apparere scribit, & à *Mamertino in Panegy.* Consularis Dignitatis insignibus accenseri arbitratur. Justinum II. & Tiberium in uno nummo expressos. & Nimbo caput insignitos exhibet doctissimus Amicus noster *Carolus Patinus*, inter Imp. Roman. numismata ex ære med. & min. formæ. Et ipse *Baronius* ad an. 395. n. 4. producit ex Cimeliotheca Fulvii Ursini nummum aureum, in quo Licinia Eudoxia, Arcadii conjux, nimbo caput ornata cernitur. Sed in viam, à qua *Baronius* abduxit, redeo.

Possẽm autem nunc pluribus exponere utilitatem illam omnem, quæ ex Nummis, erudita manu tractatis, in Historiarum & Antiquitatis cognitionem redundat, quamvis novissimis demum seculis ea deprehensa fuerit, & cum gloriâ nostri ævi hodie in cultioribus Orbis partibus, tot evidentibus exemplis, demonstretur. Possẽm, inquam, id pluribus facere, nisi jam tum in doctissimis, & nunquam satis æstimandis, dissertationibus *de Præstantia & Usu Numismatum Antiquorum* Excellentissimus *Ezechiel Spanhemius* dissertatione V. & seqq. ostendisset, quantæ etiam in omni Historia civili, & in Chronologia & in Geographia Nummorum Veterum utilitas sit, & ita quidem,



dem, ut nihil addi vel à me, vel ab aliis possit, si præsertim tertia editio prodierit, quâ, ut secundâ alios omnes in eo argumento, ita seipsum vincet, Vir splendidissimis ad Reges Principesque legationibus non minus, quam incomparabili antiquitatis & elegantis doctrinæ notitia illustris, Musas omnes per maria & terras secum ducens comites, à quo instillatum mihi primò Nummarii hujus studii amorem lætus recordor, cum favore illius & amicitia ante viginti & plures annos Romæ, & in jucundo per Vetus Latium itinere, *circa nemus uvidiæ, Tiberis ripas*, gauderem. Docet vero Idem ille, moralis & civilis scientiæ peritissimus, ad utramque plurimum conferre Nummos, Romanorum præsertim, & esse eos, quasi totidem Symbola aut documenta potius ad omnem vitæ usum feliciter comparata, inque iis ipsas regnandi artes cum sacris Cæsarum vultibus expressas cerni posse. Quod argumentum novissimè quoque persecutus est *Gisbertus Cuperus*, Vir amplissimus, Illustrissimi Fæderatorum Belgarum Ordinum Confessus nobile membrum, singularique disertatione *utilitatem, quam ex Numismatis Principes capere possunt*, complexus, evicit,

*Quod, quid sit pulcrum, quid turpe, quid utile, quid non  
Plenius & melius Chrysippo & Crantore dicant.*

Quo & illud pertinet, quod de Alphonso, Aragonum & Neapolis Rege refert *Antonius Panormitanus l. 2 de dictis & factis*. Eum Numismata Illustrium Imperatorum, sed Cæsaris ante alios, per universam Italiam summo studio acquisivisse, & in eburnea arcula religiosissimè asservasse, testatumque, se illorum intuitu ad virtutem & gloriam quodammodo inflammari.

Occupato igitur jam ab aliis argumento, parcior ero, & non nisi pauca de usu, in Historia Imperatorum Romanorum, delibabo. Equidem, si superessent hodie omnes

Historiæ Augustæ scriptores, quorum paucissimi illi, qui ævi injuriam effugerunt, meminerunt, quorumq; verba adducunt, & plenè omnia scripsisse, & minima quæq; persecutos narrant, plura sine dubio sciremus, nec tantæ essent in tam illustri historia lacunæ. Non quidem quod M. Seneca de seculo suo, *desisse ingenia* dicam, sed infelicitatem temporis accusabo, per quam tot egregia monumenta perierunt, vix superstitibus Scriptorum nominibus, & reliquiis quibusdam, tanquam ex naufragio tabulis, quæ salivam tamen curiosis moveant. An enim vel toto illo seculo, ab Antonini Philosophi excessu usque ad Diocletiani imperium, ullus eorum, qui Historiam Augustam Latinè scripserunt, superest? Quam multi ex aliis perierunt seculis? aut optima & maxima sui parte ævi injuria multati, tanquam tennes amplæ vestis lacinia, posteris transmissi sunt? In tanto igitur Historicorum defectu, ad supplenda, quæ defunt, rectè alia subsidia conquirimus, & ad Nummos quoque recurrimus, in quibus si non omnia & minutissima (qualia tamen etiam in historia non habere locum, sæpius monet *Julius Capitolinus*, quando *Ælii Cordi* frivolum *λεπτολογίαν* non uno loco perstringit) reperire licet, illa tamen observare datur belli pacisque opera, quæ maximè illustria ad posteritatis memoriam pervenire, perennaturo metallo signata, vel ipsi Augusti, vel S. P. Q. R. voluerunt.

Sed ne quidem priorum Cæsarum historiam, quando adhuc Diones, Taciti, & qui integer ad nos pervenit, *Suetonius*, singulari diligentia & judicio, res eorum gestas posteris tradiderunt, ita notabilia quæque exposita esse deprehendimus, ut non ex Nummis plurima addere liceat, quæ eorum diligentiam præterlapsa sunt. De Colonia per orbem terrarum sub Imperatoribus deductis, re maximè memorabili, & ad origines urbium celeberrimarum & iura multum faciente; de Sacris templis & Asyis, de Græciæ  
Asiæ



Asiæque Civitatum sub Cæsaribus libertate, silent Historici,  
 loquuntur nummi, & non tantum incognita nos multa  
 docent de illis, sed & quædam ex Scriptoribus eo pertinen-  
 tia, tenebrosa verò, sine hac luce, loca egregie illustrant.  
 Est autem illud jam tum egregie ab Illustri *Spanheimio* osten-  
 sum, nec ego eleganter dicta huc repetam, & rudiori elo-  
 quiu deteram. Id tamen præterire silentio non possum,  
 solennia illa Urbium in Romano orbe pacta, quibus se mu-  
 tuo obligarunt nobiliores, ad sui tutelam, commerciorum  
 libertatem, & jurium conservationem, ab Augustæ Histo-  
 riæ Scriptoribus nullibi memorari. An fugit illorum dili-  
 gentiam id, quod celeberrimarum Urbium Rectores non  
 tantum suo tempore innotescere, sed etiam publica fama  
 didi, & ad seram posteritatem transmitti, expressa in Num-  
 mis facti memoria, voluerunt? An tantam rem ultro ne-  
 glexerunt, & indignam memoratu judicarunt? Mihi qui-  
 dem dignissima semper, cujus historiam ex superstitibus  
 monumentis accuratè concinnarem, & referre mihi quo-  
 dammodo illius Fœderis imaginem visa est, quod, HANSÆ  
 TEUTONICÆ nomine, ultimis his seculis Europæum  
 orbem fama implevit, cujus caput Patria mea, illu-  
 stris LUBECÆ. Ut enim non inter proximas tantum,  
 sed dissitas quoque civitates, neque unius gentis, san-  
 citum est olim illud fœdus, illa concordia, *ἡμῶν*, ut in  
 Nummis Græcis appellatur, permittentibus Cæsaribus,  
 ut tali innoxia conjunctione se suaque urgente necessitate  
 tuerentur: ita quoque commerciorum suorum, per ter-  
 ras, & maria imprimis, libertatem, tractis in societatem va-  
 riis, & alio licet nexu Principibus suis obnoxiiis. HANSÆ  
 TEUTONICÆ urbes, ab HANSA id est, societate, col-  
 legio, nomen adeptæ, animis viribusque junctis tueri sa-  
 tegerunt. Possumus autem illius *ἑμπορίας*, nummis signatæ,  
 exempla sub plurimis Impp. ostendere, cum Augustorum

regnantium, aut Augustarum quoque, imagines una parte nummi, ipsam vero Concordiam dextrarum junctarum symbolo in altera exprimerent. Et plerumq; quidem duæ tantum urbes id faciebant; interdû plures, quomodo Smyrnæorum, Pergamenorum, & Ephesiorum *ἐφῆσους* Antonini Pii; Ephesiorum, Pergamenorum, Perinthiorum Caracallæ nummus docet: planè, ut Teutonica Hansa initium quidem, à fædere duarum urbium, Lubecæ, & Hamburgi, A. **MDCCXLI.** percusso, initium, acceptis vero successu temporis in societatem plurimis, incrementa sumsit. Sed hac de re pluribus alibi agere decrevi; nunc illud monuisse sufficiat, rem Annalibus dignissimam, illis tamen præteritam, ex Nummis post tot secula in lucem protrahi posse.

Neque vero potuissent Romani illi Principes, terrarum Domini, aliud commodius medium æternandæ gloriæ suæ, cujus avidissimi erant, invenire his ipsis Nummis, per quos in omnes terras missi sunt, ut præsentés ubique effe, & cerni possent, factorumque suorum magnitudinem apud feram posteritatem explicare, &, ut hoc addam quoque, apud nos Germanos reportatas de majoribus nostris victorias post plurimum seculorum decursus cum Tropæis depictis ostendere. Equidem inter initia *Populus Romanus hostibus domitis victoriam non exprobrauit, Domitiumq; Ænobarbum & Fabium Maximum bello Allobrogico ipsis, quibus dimicaverant, in locis saxearum erexisse turres, & desuper exornata armis hostilibus tropæa fixisse*, tanquam novum quid annotat Florus Lib. III. c. 2. placuisse tamen deinde, Victoriarum memoriam ad posteritatem transmittere, tot superstites nummi docent, quibus Tropæorum imagines, ipsis illis saxeis turribus dudum licet abolitis, adjectis hostium nominibus, cernimus legimusque. Quid vero magnificentius, quàm ubi devictorum arma de trunco pendent, & ab una parte Victoria Dea coronam laureatam tenet, ab altera

victus



Victus hostis supplex jacet, ut in Severi nummo? quid gloriosius, quam ubi Trajanò ob magnam de Dacis & Parthis reportatam victoriam gratulatur S. P. Q. R. & duo raptam manu diverso ex hoste tropæa, mediumque inter ea Imperatorem, in nummo exprimit?

Quod si vero ad Pacis opera veniamus, mirandum est, illas magnificas structuras, quas ad potentiam suam extollebant Romani Imp̃p: illos Circos, *dignam populo gentium victore sedem, nec minus ipsam visendam, quam quæ ex ea spectabantur*, ut Plinii verbis utar: illa Amphitheatra, illas Basilicas, Thermas, Arcus, Porticus, æternitati destinata omnia eam non tulisse, & partim ab edaci imbre & impotente aquilone, magis tamen Barbararum gentium furioso impetu subruta, vix suæ magnitudini æqua rudera ostentare, posteritati fere ignota, nisi in Nummis, & figura illorum aliquo modo expressa, & memoria conservata. Septimius Severus, optimus Imperator, nova ædificia extruxisse, & vetera restituisse, memoratur ab Historicis, & in uno nummo elegante Senatus ipsi RESTITUTORIS URBIS titulum eo nomine largitur. Nec tamen Operum Illius (Arcus enim, qui cum incisarum victoriarum, tropæorum, terrestris navalisq; belli imaginibus hodieque ad clivum Capitolinum integerrimus omnium superest) præter Templum Junonis seu Mercurii, & quidem in Porticu paucarum columnarum, quicquam, quod sciam, restat: in Nummis tamen adhuc Templi, Circi, Portusque memoriam conservatam videmus. Veneris Erycinæ, & Jovis Capitolini templa, & Honoris ædem, & Basilicam Æmiliam ex Nummis petenda docet Illustris *Spanhemius*, p. 577. 578. Et ubi est hodie nobilis illa BASILICA ULPIA? Habeo tamen elegantem nummum aureum Trajani (quem magnus ille veteris monetæ censor *Job Vaillant* in Cimelio Illustriss. Harlæi etiam vidit, singularisque & eximie raritatis esse scribit.

l. 2. numism. p. 60.) in cujus averſa parte extat imago illius Baſilicæ, intuentiumque curioſos oculos paſcit.

Nec minus alia multa ad res geſtas AUGUSTORUM pertinentia, venerationemque, qua populi eos perſecuti, & honorem, quem in eos vivos, mortuosque contulit Senatus vel Succeſſores, teſtanta, docent nos Nummi, modo non vulgari, ſed elegantiffimo pariter, & cōſiderantibus gratiffimo, Ærei imprimis, qui majoris moduli & artificio majori elaborati, plus etiam reconditæ hiſtoriæ, quâ figuris, quâ verbis appoſitis patefaciunt. Id quod Hadriani Imp. nummorum ex ære exemplo, breviter quidem, ſed doctè exponit, *Carolus Patinus in Hiſtor. Numism. c. 18.* poſſet autem in aliis Impp. ſimiliter facili negotio oſtendi, imo jam factum id eſt ab iis, qui AUGUSTORUM Nummos publicarunt, & eruditis commentariis illuſtrarunt, *Æneas Vicius, Lævinus Torrentius, Hubertus Goltzius, Albertus Rubenius,* & nulli eruditione diligentiaque inferior *Trifſtanus*, quibus adderelicet, ut ut Indices tantum Imperatoriorum Nummorum nobis dederint, *Adolphum Occonem*, Medicum Auguſtanum, & *Johannem Vaillantium*, itidem Medicum, quem, deglutitis licet viginti aureis veteris monetæ nummis, cum à piratis jam jam capiendus eſſet, divina ſervavit providentia, captivitatisque & mortis periculo liberavit, ut ſupereſſe illuſtrandæ ex Nummis hiſtoriæ potuerit. Auſim vero hoc aſſeverare etiam, mutilam eſſe in multis illorum Impp. hiſtoriam, quorum deſciunt Nummi, ut in Cajo Caligula manifeſtum eſt, cujus ærea numismata poſt ejus mortem ſCto conſlari juſſa, memorat *Dio*.

Habent vero id etiam prærogativæ Nummi, ut, velut teſtes omni exceptione majores, in illis, quæ dilucidè explicant, plenam mereantur fidem, & quidem majorem omnibus Hiſtoricis, fraudis ſcilicet & malitiæ expertes. Quis enim eſt, qui nescit, quantam diligentiam in illis, ſtandis,



standis, feriundisque, adhibuerint Præfeti Monetales apud Romanos, sive in Provinciis Quæstores, sive in urbe Triumviri Quatuor virive? quos non tantum singulari circa materiam & pondus, sed pari quoq; circa illud, quod impressum nummis, circa imagines, figuras, & circumposita verba, diligentia usos, non tantum verosimile est, sed ex ipsis illis Nummis manifestissimum. *Patinus*, ubi de *Æreis*, & litteris S. C. in iis appositis, agit, additam notam illam scribit, non seulement pour la seureté du prix, ou la valeur de sa matiere, mais aussi à cause del' autorité, qu' il donnoit aux representations, qu' il faisoit descrire.

Neque tamen dixerim, ita omnia, quæ in Nummis notantur, fidem mereri, ut non adulatio Senatus aut Præfectorum intervenerit, aut ipsi Principes Romani nimis magnifica de se signari fecerint, aut falsa, quod, *Neronis* aureum nummum intuitus, *Alphonsus* Rex indigne tulit, ut *Æn. Sylvius* narrat. Notus est aularum genius, nota calliditas, & vafrities. Qui, annotante *Tacito*, gentes, & in his majores nostros, triumpharunt sæpius quam vicerunt; qui, ut *Domitianus*, *Germanos* emerunt, habitusque illorum & crines in captivorum speciem formarunt, ad vani triumphi imaginem: qui, ut *Nero*, sprete conscientia, ut aspectui consuleretur, inania erexerunt *Tropæa*, cur non eadem quoque imprimere Nummis suis, variisque Triumphorum imaginibus decipere vivosque posterorū poterint? Hæc tamen ipsos ita voluisse credi, & ea propter ita finxisse, ex ipsis Nummis discimus, superatque hodie elegans *Domitiani*, in quo GERMANIA CAPTA, supplex & vineta jacet. Fiunt nostro etiam ævo eadem, & non dissimulantur tantum clades, sed post magna prælia victus æquè ac victor *napoleo* instituit, & falsis relationibus cussique nummis victoriæ famam inanem propagare nititur. Quando igitur quoque in Impp. numismatibus *Justitiam*,  
Liber;

Libertatem, Concordiam, Pacem, Tranquillitatem, Felicitatem, Abundantiam, Gloriamque seculi, & Reparationem temporum jactari cernimus, non habere fidemillis, citra ulterius examen, tenemur. Neque, dum in FAVSTINÆ AUGUSTÆ nummis toties PUDICITIAM legimus, falsum esse credere debemus, quod *Julius Capitolinus* eam pudicitiae fama graviter laborasse, nauticisq; & gladiatorii conditionibus infamem fuisse scribit, vel à *Juliano Cæsare* in Satyra eam injuria traduci. Et quamvis talia in Æreis quoque Nummis, Senatusconsulto percussis, legamus, cogitare debemus, eam fuisse temporum infelicitatem, quibus nec Amplissimus Ordo sentire, quæ vellet, audebat, publicè verò adulari, & illos, PATRES PATRIÆ, qui unam cervicem habere Populum Romanum, quam præscinderent, optabant, salutare cogebatur. Simul tamen id agebat prudens Senatus, ut ejusmodi Nummorum Inscriptionibus, non quales essent Principes, sed quales eos sperarent, vellent, optarentve, posteritati testarentur, & hoc pacto malos Imperatores ad ea imposterum perpetranda, quæ neglexissent, exstimularent. Quem quidem arcanum fuisse apud Romanos summasillas Potestates monendi modum, non ignorare nos finit *Plinius*, dum in divino Panegyrico: *parendum*, inquit, *est Senatusconsulto, quo ex utilitate publica placuit, ut Consul* voce, sub titulo gratiarum agendarum, boni Principes, quæ facerent, recognoscerent, mali, quæ facere deberent. Ut scilicet, objecta virtutis imagine, improbi Principes emendarentur, probi proficerent, rudes instituerentur, admonerentur errantes, exstimularentur oscitantes, deniq; ipsi apud sese pudefcerent deplorati, ceu in elegantissima ad Paludanum Epistola loquitur, rerum humanarum & aulæ peritissimus *Erasmus*, dum illum modum, sub specie laudationis, Principes monendi, elegantissime pariter & prudenter explicat.

Qui



Qui possis, inquit, *scelesso Principi tum impunitius, tum acerbius explorare crudelitatem, quam si in eo clementiam praedices? qui rapacitatem, violentiam, libidinem, quam si benignitatem, moderationem, castimoniam efferas, virtutem ut videat intabescatq; relicta?* Qui possis, addo ego, MES-SALINÆ aut FAUSTINÆ melius exprobrare inexhaustam libidinem, quam si sub DEÆ PUDICITIÆ habitu in Nummis pingas? Interest vero publicè etiam, ut Regnantis vitia non manifestentur, sed dissimulentur, & de Principe semper, tanquam optimo, sentiant ii, quibus imperatur, etiamsi humana imbecillitas integrum eum vitæ esse non patiatur. Sed hæc quidem ad Senatum Romanum adulationis suspicione liberandum sufficiant. Utinam non ipsi Imperatores male consulti, non suo tantum seculo in Orbe terrarum, sed & hodie apud posteros in ipsis Nummis famam suam traduxissent. Vix sanè crederemus Historicis, illos Principes Romanorum, qui *regere imperio populos meminisse* debebant, in Circensibus aurigas, in theatris histriones, & passim citharædos egisse, nisi Caligulae, Neronis, Commodi, expressis in Nummis habitu eorum & instrumentis, fædam quidem, sed certam, rei memoriam ad nos usque transmisissent.

Neque etiam illud dixerim, Inscriptiones Nummorum ita esse indubitatae fidei, ut non aliquando error sculptoris, litterâ omisâ, vel male positâ, vel numero depravato, sensum inverterit; quin admiserim quoq; id, quod notat eruditissimus Antonius Pagi, quosdam nummos *Pseudographos* reperiri, quibus si fides adhiberetur, *tota Imperatorum perverteretur historia, & quæ certissima, falsa haberentur*, differt. hypat. p. 33. Quæ enim possit hic omnis omnino error caveri? Quod si tamen Nummos cum aliis documentis, quibus nititur historiæ fides, conferas, ut cum Historicorum MStis codicibus, Diplommatibus, Inscr-

C

ptioni-

ptionibus: non tantum ibi æquè promptè, sed longè facilius peccari posse, manifestum est, docetq; quotidiana observatio, in illis sæpius vel nomina vel numeros male annotatos, vel voces corruptas aut omissas, legentes in errorem deducere. Multi vero etiam in Nummis creduntur esse errores, qui revera in illis Archetypis non sunt, sed à male pingentibus, legentibus, & interpretantibus dependent, dum litteræ detritæ oculos minus curiosos fugiunt: id quod illustrari infinitis exemplis posset.

Scio etiam à nonnullis ea de causa rejici plane & contemni hoc studium, quod veteres illi Nummi rarius ita integri appareant, ut vel figuræ rectè conspici, vel litteræ omnes legi possint, exesæ plerumque & vetustate consumptæ, usuque attritæ. Verum, qui Regum Principumque Cimelia adierunt, & in illis ex omni metallo selectos Nummos contemplati sunt, de summa plurimorum integritate aliter testabuntur. In multis vero, ex Ære, ipsa nobilis ærugo delectat, & semesæ litteræ genuinitatem Nummi probant, æmulantisque antiquitatem falsariæ manus fraudem minus timere jubent. Neque vero ita fugiunt oculos litteræ, ut non, si diligentius & irretorto lumine ipsa ductuum evanescentium vestigia persequaris, si non vitra tantum, sed historiæ illorum temporum adhibeas microscopia, si alios similes Nummos apponas, omnia tandem capere & explicare aliis possis. Quod vero in uno est detritum, in altero est integrum, quod in aureis argenteisque, utpote minoribus, ob tenuitatem confusus est deli neatum, id in æreis moduli majoris accurate expressum clarissimè patet.

Objiciunt nonnulli etiam brevitatem, & hinc necessariò sequi obscuritatem contendunt. *Brevis esse laboro, obscurus fio.* Nec negari potest, placuisse in ea sibi imprimis Romanam gravitatem, & verborum ambitum inconvenientem hîc judicasse (secus ac hodie nonnulli in Medallionibus,



nibus, circumducto quidem latè, sed frigido sensu, faciunt) ut non sine causa falsitatis & novitatis suspectos habeant Antiquarii Nummos, qui longa verborum serie res gestas exponunt, ut illum CLAUDII Cæsaris, quem ex Alberti Bavariae Principis Thesauro primus produxit Occo, & post illum alii, sed nonnihil variantem, aliunde descripserunt, nullo simili extante illius ævi cum tam longa inscriptione. Neq; vero illa, quæ plerumque per initiales literas & notas tantum quasdam proponuntur, morari possunt, nisi imperitum Antiquitatis Romanæ; alia vero rariora, ut quando M.R. Marciam gentem G.R. Germaniam, C.S. Cæsarem notat, aut, ubi se junctæ à se litteræ & syllabæ sunt, & quædam in una, aliæ in averfa facie apparent, hoc eruditissimo seculo à clarissimis Viris explicata quoque sunt, & ad illorum exemplum facilius quoque alia intelligi possunt. Pauca certè obscura sunt iis, qui Musas amant, & cum antiquitate frequens habent commercium, & elegantes nuper editos commentarios diligenter evolvunt, cum singulari quasi fato huic eruditionis venustæ parti in omni Europa sese dedant summi Viri: si quæ vero sunt adhuc incerta & dubia, in iis tamen ingeniosæ conjecturæ nos delectant. De Figuris in averfa Nummorum facie extantibus, quas eleganter *Prudentius Hymn.* ω & φ. *Ænigmata* appellat, major est quidem aliquando difficultas, non insuperabilis tamen, si cum circumpositis verbis figuræ, & cum illi historia Cæsaris, cujus nummus est, & simul ævi illius mores & ritus conferantur, & tamen nihilominus, etiamsi illarum ratio ignoretur; alia multa ex reliqua Nummi parte discere licebit.

Ut autem ex his omnibus expedire se melius & errores cavere quis possit, comparare sibi ipse Nummos Veteres, qui hanc accuratam historiam amat, debet, aut, si id negatum est, ad aliorum hujus generis Cimeliothecas adi-

um sibi quærere, ut intueri sæpius, & ductus minutissimos  
sectari curioso oculo, reponere aliquamdiu, & deinde recol-  
lectis quasi ingenii viribus, nova meditatione accedere, &  
ita tandem eruere latens verum possit. Quamvis enim  
à duobus jam seculis Imagines Nummorum varii edide-  
rint, laudabili diligentia, illorumque assurgere meritis  
omnino par sit, nondum tamen eam adhibitam esse accu-  
tionem, quæ vel poterat, vel debebat, omnino fatendum  
est, plurimis adhuc in Scriniis magnorum Principum lati-  
tantibus, obiterque tantum ab illis, qui viderunt, memo-  
ratis. Dudum etiam conquesti sunt Antiquarii, *Pictores  
plus operæ* (verba *Anton. Augustin. dial. 1.*) *studiq; in deline-*  
*ando egregiè quàm summa fide representando posuisse*, & fu-  
gitivo tantum oculo, minores imprimis Nummos, intui-  
tos, maxime notabilia, & ad historiam imprimis facientia,  
omississe. Præterea plurimi, Imperatoris alicujus Num-  
mos exhibituri, averfas omnes partes, quas habere pos-  
sunt, depingunt, Imperatoris tamen effigiem cum litteris  
appositis non nisi semel atque iterum, cum tamen, si ac-  
curati esse vellent, toties anticam cum Imp. imagine, quo-  
ties posticam, pingere deberent, non alias patente omni illo,  
quod Historici, & Chronologi imprimis, interest scire: lau-  
dandâ tanto magis *Occonis* nostri industria, qui, quamvis ico-  
nes ipsorum Nummorum non dederit, inscriptiones tamen,  
anticæ non minus quam posticæ faciei, curiosè annotavit.

Jam igitur optarem, ut Vos, Nobilissimi Juvenes, ad  
amplissimam quoque aliquam Nummariam gazam dedu-  
cere, vobiscum lustrare omnia minima maxima possem,  
ut tanto facilius, juncta industria, errores omnes cavere  
liceret. Sunt autem istæ in Palatiis Regum Principumque,  
certè in hoc Germaniæ angulo privatorum in-  
domibus raræ. Amabat, dum viveret, hoc studium qui-  
dem in cætera eruditionis magnitudine HERMANNUS

CON-



CONRINGIUS, & ne quid ignoraret antiquitatis, huc quoque vastum ingenium contulerat, non contemnenda rariorum Nummorum congerie, & Imperatoriorum egregia serie amplissimo filio, *quovisq;* relicta. Nunc Ego penè solus hîc, sine rivali, Veteris Nummariæ rei amore teneor. Imo vix est, quod sciam, in his Serenissimorum nostrorum Principum ditionibus, qui eo valde delectetur studio, si exceperis summe reverendum Virum Dn. GERHARDUM, Monasterii Loccumensis Abbatem, qui & collegit rariores nummos plures, & gravissima sua sacra negotia illorum contemplatione interdum distinguit, & interpolat. Nec tamen prædicare quicquam de meis audeo, quamvis comparaverim mihi, aut amicorum liberalitate possideam plus quam mille, & inter illos rariores nonnullos, Imperatorios æreos argenteosque plurimos, habeamq; etiam, ut rotundo *Martialis* versu dicam, *de moneta Caesaris decem flavos*. Non invideo quidem illis, qui Gazas ex usualibus aureis argenteisque nummis construunt, & suo eos abundare sensu libenter permitto, me tamen rariores illi delectant magis, inque antiquis & artificium miror, & historiam ex figuris illorum & verbis appositis illustro, adeoque vel æreum illius commatis aurea massa cariorum habeo. Dudum enim ex *Galeno* didici, *Idiotam quidem à materiæ pulcritudine, artificem vero ab arte ipsa percelli*. Et nescio quidem, an peculiari aliquo fato Medici nos Veteris Nummariæ rei studio teneamur, ita magnus eorum numerus est, qui deliciis ejus innutriti, commentariis quoq; de ea doctissimis inclaruerunt quos enumerat celeberrimus CHRISTOPHORUS ARNOLDI, eruditi orbis, & amicitiae nostræ decus, in illa epistola, quam Raris Magnæ Græciæ Numismatibus, à *Prospero Parisio* editis, & nobilissimo Norimbergensium Archiatro D. *Volchamero* curante recensis, nuperrimè præfixit. Est aliàs

Regum, Principumque, & Illustrium virorum id studium, qui illas Veteris ævi reliquias & in proprios usus congerunt, & in publicos magis, ut utilitas ad plures redundet; pretiumque illi primum in Italia, ex qua omnis eruditio ad nos defluxit, dein in aliis quoque Europæ regionibus poni cæpit, & hodie Galliarum Rex LUDOVICUS, ut ubique incomparabilis sit, Nummorum quoque Veterum Thesaurum sine exemplo congeri jubet, aliique Reges, & Germaniæ Principes, & hos inter nostri quoque Serenissimi Duces, ab illis elegantissimis non sunt alieni. Emulantur autem privati, quantum per fortunas licet. Interim non possum non irasci, quoties id in *Bibliotheca Hispaniæ* memoratum ab *Andrea Schotto* lego, insulso illi Pharmacopæo, *Andrea Straneo*, qui fratris sui Germani, *Johannis Andreae*, testamento hæres factus, cum ab illo, exquisitæ in Theologia pariter & litteris eruditionis viro, magnis sumptibus investigata, & multis laboribus conquistata Numismata Romanorum Imperatorum, aliorumque, accepisset, ex hac, tanquam inutili suppellectile in officinæ suæ usum mortarium conflare fecit. O dignum hellebori jugero, & ad Anticyras ablegandum hominem! O dignum, quod illo in mortario pistillis contunderetur, caput! Sapiamus vero, Nos, Optimi juvenes, & studium illud, quod Reges summi, Principesque non foveant tantum, sed amant, & suis dignum putant remissionibus, justo æstimemus pretio. Ego quidem certam spem ingredior, hanc Historiæ Romanæ ex Nummis explicationem ita vobis fore gratam acceptamque, ut intuitu paucorum illorum, quos mea Arcula possidet, desiderium venustissimi studii in vobis excitetur, in ditioribus Europæ partibus, & in Regum Principumque aulis aliquando satiandum. Valéte, & cæptis meis favete. P. P. in Acad. Julia x. Calend. Octobr. c1510c LXXXIV.





Ad Arculam suam  
*Nummorum Imperatoriorum  
Veterum.*

**A**rcula, quæ parvo spatio complecteris  
Orbem,  
Terrarumque mihi sistis ad ora Deos,  
Arcula, quæ Romam de muto farier Ære,  
Divitiasque suas exhibuisse doces:  
Ut sacra AUGUSTI facies mea lumina pascat,  
Et casta AUGUSTÆ flamma, piusque decor,  
Salvete Heroes, genus insuperabile bello,  
Eoi solis terror, & occidui.  
Vestra ego bella hic, & Vestros agnosco Trium-  
Invictisque armis Regna subacta lego. (phos,  
Vestra ego, Pacis opus, cerno Amphitheatra, &  
arenas,  
Thermasque, & cœlo proxima Tempa suo.

Vos

Vosego in Ære colo, flavo vos miror in Auro,  
Vester in Argenti lumine splendet honor.  
Sunt pauci numero Numimi, nec postulo cunctos.  
Unum opto loculis nocte dieque meis:  
Quem CONSTANTINI cudad LEOPOLDUS  
in Urbe,

Ludibrium & poenam, Turca tyranne, tibi.

*H. Meibomius.*





SPECIAL 82-B  
3028

